

O KALAYJIS – THAGARESKORO ZHAMUTRO

Sine akana ekh kalayjis, ekh rom. Kiya, ama o thagar prandela pe raklya. I hay, kon nakhela tele e palatkes, ka achhyol leske zhamutro. Kiya, ama nakhna, nakhna, nakhna natele, te phenas e kwtka, e kate o chhipe, kate o chardakis. Nikas na chael i chhay phabayasa.

Nakhla kava kalaydzhis. Pa-a-at! Ande shero i phabayasa.

– Ake thagara o zhamutro! Ake thagara o zhamutro!

I lile, uklyalde les upre i achhilo zhamutro o thagareske.

Ov nali pretesninela pes, inklyola upre. Anena leske yare, prwzhinena leske.

– O, nine! Ande mange chhavikane goshnya te hav!

Kerena, kerena sarma. Kava keren shukar.

– O, nine! Grastane goshnya ande mange te hav!

O sarmenge phela grastane goshnya. Kerena leske aver zumi. Dzhal i rakli.

– Dade! But sikavno, but si ucheno!

Ov kay horatinela, chi anena leske khula, grastane goshnya, chhavikane khula, i dasni zhanela, chi si but ucheno. Zhala i rakli.

– Dade! But si ucheno! Pravinela, horatinela, chetinela.

– Ay, mi chhay! Mi ov si ucheno, but si ucheno!

Hay, nakhlo peske kober ekh kurko, ekh maswk. Inklyola upre, dikhla peri mama.

– Mamo! Kay nakhelas kwtka meri terni mami bare disagentsa, ta mangelas amenge maro. I-i-i! Pala goninelas e rikonen.

Roola pe dayake. A i rakli ...

– Dade! But ucheno si! Te dikhes sar horatinela, phukavela!

– Ayde, chha! Ucheno si, chha!

Nakhlo vremi. Ay, i kalaydzhika avela ekhe bare disagentsa. Ha, la ekh rovli ande vastende. Dikhlyas la dural o chhavo.

– Oy, mi mamin! Ma, ba!

„Bup!“. Kate polo, mulo. Ov mudardyas pes, a o thagar dikhlyas i romnya.

– Skoro da se mahnesh, mayka ti da eba, tsiganska! Ov dikhlyas tut, borkosaylo! Pelo, mudardyas pes!

A i rakli phenela:

– Ov si ucheno but, ta aravdyas pi godi thay pelo, mudardyas pes!